



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 116. Isidorus Cardinalis captus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

§. CXVI.

*Isidorus Cardinalis captus.*Sæcul. XV:
A. C. 1453.

Inter captivos potissimus erat Isidorus Cardinalis, qui, ut alibi meminimus, a Nicolao V. Pontifice Constantinopolim ablegatus est, ut decretum unionis ibidem promoveret. Idem re licet minus prospere gesta, noluit Imperatorem deserere, sed Constantinopoli remansit usque ad urbis expugnationem, spe fretus, Græcos tandem ad unionem Ecclesiæ reversuros. Cum vero urbem undique expugnari cerneret, mutato habitu, & vilibus vestibus indutus fugientium turmis sese immiscuit, & Peram se duci curavit, ubi tanquam ignobilis, & obscuræ sortis homo vili pretio libertatem suam a Turcis Cardinalitiam illius dignitatem ignorantibus obtinere sperabat. Refert Chalcondyles, quod Isidorus, quis esset, haud agnitus a Turcis captus fuerit, ac Peræ venditus, inde recuperata libertate in Peloponesum profugerit. Sylvius vero rem sigillatim recensens ait, quod

Chalcond. l. 8
Antonin. tit.
32. c. 13. §. 14Æn. Sylv.
comment.

Cardinalis inter occisorum acervos cuidam, quem sibi consimilem viderat, vestimenta abstulerit, illudque cadaver Cardinalitio suo cultu induerit, rubro galero supra mortuum temere demisso; Turcæ autem hoc errore decepti, huic cadaveri

A a 4

caput

Sæcul. XV. caput absciderint, illudque hastæ infixum unacum pileo per urbem circumtulerint, clamante præcone, id Isidori Cardinalis caput esse. Juxta aliorum vero relationem Isidorus quinquaginta aureis libertatem suam Peræ einit, inde vero in Persiam cum Turcarum triremi trajecit, atque fixit se pauperem captivum esse, & pecunias colligere, quibus filios suos itidem Constantinopoli captos redimere valeret; Cum autem inde iter ageret, a quibusdam Genuensibus agnitus est, ac ne proderetur, veritus, parvam cymbam conscendit, qua vestus primo in Insulam Chium, inde Cretam, ac demum Romam ad summum Pontificem pervenit.

§. CXVII.

Notaræ magni Ducis Constantinopolitani exitium.

Multo iniquior fuit Notaræ Ducis fortuna. Erat ille ex spectatissimis Senatoribus primus, supremus classis Præfectus, ac summæ auctoritatis Vir. Verum Latinos, unaque unionis decretum tam insano infectabatur odio, ut urbem *Ducas c. 37.* ob innumeras Sultani copias ingenti terrore percussam comperiens, insolenter adhuc exclamaret, malle se Turcicum pileum, quam alicujus Cardinalis latini galerum urbi Constantinopolitanæ dominantem